

Rehendê Kurdistanî yê projeya Rojhilata Navîn a nû-2/2

Selah Bedredîn

Armanca me ji vê lêkolînê ne ravekirina nêrîna Amerîka anjî welatên din derbarê gelê kurd e, bi qasî ko ew pêşbînîkirina nêrînên lîstikvanên serekî di siyaseta Rojhilata Navîn de ye-nexasime Amerîka û Awropa ko xwediyên pêgehên aborî û leşkerî û siyasî yên ko maf didine wan ko ew jî tevî gelên navçê, wê bi regekî dêmokratîk ji nû ve form bikin û çarenûsa gelên wê destnîşan bikin û di nav de gelê kurd yê ku li ser çar dewletên bingehînî û bibandor hatiye parçekirin, û li benda pêkanîna van pêngavan e.

Pirsa ko li vir tê holê ev e, gelo kurd di proseya avakirina Rojhilata Navîn ya nû û acendeyên avakerên wê de, çi postî digirin?

Sebareti faktorê herêmi, guman tê de nîn e ko hevpeymaneke berfireh di navbera hêzên millî rehqehîm û fermî yên tolerans ko daxwaza guherîna dêmokratîk û çaksaziyê dikin de, ava dibe. Ev hevpeyman ku ji Iraqê destpê dike û li Filistinê radiweste û di Lubnanê de derbas dibe û di nav refên xwe de hêzên opozisyona niştimanî di hemî welatên navçeyê de hembêz dike. Di vî warî de, dewletên weke Erebiştana Saûdiyê û Misir û Urdun

ê(hevpeymanê dijayetîker)angu rêjîmên Sûrî û Îranê tevî rêxistinên îslama siyasî yên tundrew û tayfeger û terorist-astenga serekî di riya bicihanîna proseya guherîna de, û dijminên herî mezin ji berjewendiyên xwe re dibînin. Bê guman, hêzên guherîna dêmokratîk bi giştî destpê dikin ko nêrîneke saxlem ji gelê kurd û kêşeya wî ya dadmend bidin. Derbarê faktorê navneteweyî, em dê di vê nivîsara xwe de ji destpêkên qonaxa paş cenga sar û serkeftina Dewletên Yekbûyî yên Amerîka(DYA) destpê bikin, ev qonaxa ko bû destpêka vebûna Rojavayî ya giştî derbarê kêşeya kurd û berzbûna radeya girêdanê di navbera rewşa kurdî û ji holê rakirina rêjîmên totalîter û despotîk li Iraq û Îran û Sûriyê bi taybetî dema ko tê zanîn ko mijara Rojhilata Navîn a mezin û nû kurd û her çar dewlat û rêjîmên totalîter yên ku Kurdistan dabeşkirîne anjî di hebendiya dijayetîker de ne vedihwîne, tevî berzbûna rastiyeke din ko hêzên kurdî yên siyasî li ku be bila bibe di rêza pêşîn de li hemberî despotism û terorê radiwestin, her weha di rêza pêşîn ya hêzên guherîna dêmokratîk angu di nav refên eniya

navneteweyî ya aştîxwaz ko ji bo misogerkirina seqmagîrî û bicihanîna dad û mafan tê dikoşe de cî digirin, bi gotineke din gelê kurd beşekî aktîvane û sûdemend e di proseya jinûve avakirina Rojhilata Navîn ya nû de. Sîstêma cîhanî ya ko ji encama cenga cîhanî a diwemîn û misawemeyên herdû polan bû, bela anîne serê milletê Kurd hinde ko komara Mihabadê (1946) bû qurbana berjewendiyên navneteweyî û tevgera kurdî li Iraqê tûşî têkçûneke bijan di sala 1975 an piştî hevpeymanî Cezayirê a ko misawemeyên navneteweyî li ser hesabê milletê kurd eşkere kir, hat. Di encamê de, doza kurdî di hemû welatên navçeyê de kete ber jibîrbûn û inkarkirinê de û dergehên cîhanê li Rojhilat û Rojava li pêşiya xebatkar û şerkerên azadiyê hatine girtin, û bêdengiyê civaka navdewletî vegirt derbarê qirkirina kurdan li Helebçeyê wekû mînak û kurd hatine êşkencekirin û ji hemû mafên xwe hatine bêparkirin û çalagîrên wan hatine tunekirin li Tirkiyê û Îranê û koçbarkirin û bierebkirin li Îraqê û rastî zinara erebî li Sûriyê, hatin. Sîstêma cîhanî ya ko ji dema têkçûna pola sovêti ve di deh salên dawî ji sedsala buhurî de hate damezirandin anuha di warê rastkirina çewtiyên rabirdû de ye û jinûve mêzandina li kurdan û doza wan di çarçoveya jinûve mêzandina di buneyadgeriya Rojhilata Navîn de bi giştî û nûkirina wê, li gor xwendin û têgihiştina bûyer û nêrîn û konevaniyên hanê:

Destpêka vebûna navneteweyî û danûsitendina erênî bi dosiyeya kurdî re di dema koça milyonî a kurdên Iraqê de hate xuyakirin û di proseya-

provide comfort-ê de ji destpêka salên 90-î ji sedsala 20-an de bileş bû tevî hêza palpiştiya Amerîkî di kongirê aştîtiya Erebi-Israilî li Medrîd ê sala 1991 mîna balanseke di navbera kêşeyên bê çare li navçeyê, û radeya maytêkirina Amerîkî bi mebesta lihevanîna herdû hêzên kurdî ên serekî di kurdîstana Iraqê de ya ko bi-peymanî Waşîngtonê di 17-5-1998-an de, hate xemilandin.

Heta niha ti belgeyên ko nêrîna fermî ya dewletên Rojavayê derbarê mafên gelê kurd de destnîşan bike di destên me de nîn in, ji bilî nêrînen bilez û daxuyaniyên kurt derheqê hindek pirsgerêkên mirovî û bûyerên jinavçûyî. Di vî warî de, dipolmatê Amerîkî-Richard Donny-di axaftina xwe de di konferansa-kurd û gera li nasnamê-ya ko me îşaret pê dabû ji amadebûyan re wiha got: "hun dê daxuyaniyên taybet bi konevaniya hikûmeta Amerîkî derbarê milletê kurd de ji min nebihîzin, ji ber ko ew pêwîst nîn e û kurd lîstikvan in bê dewlet in û pêwendiyên wan ên navneteweyî biserketîtir in ji yê rêjîman".

Eşkere ye ko biryarder li Rojava bi giştî û li DYA-yê bi taybetî di warê birêvebirina wan ji siyaseta welatên wan re ewleyiyê bi zaniyarî û analîze û lêkolîn û pêşniyarên damûdezgehên istixbarat û zanistî û senterên vekolînên zanîngehan û serbixwe û pisporên siyaseta û stratîciyete, ko beşeke giring ji mewedaniya budjeta neteweyî ya giştî ji wan re tê parvekirin, tînin. Di vî biyavî de, sûdemend e eger ko em bijarteyan ji du raporên ko ramanêke baş sebareti nêrîna Amerîkî derbarê kurdan di

çarçoveya Rojhilata Navîn ya nû de didin, bibîr bînin. Wisa dixuye ko ev rapor dê bibin bingeha konevaniya Amerîkî ya dûr û nêzîk di devera Rojhilata Navîn de:

Yekem: raporeke ji 32-rûpelan e pisporê Amerîkî ê stratîcîk-Pol Michel Fiby-ew pêşkêşî serok Boş kir-pîştî gerekê li navçeyê li gel sisê pisporên din ji destpêka çileyê paşîn /2001-an û naveroka rapora navhatî dikare di hindê xal û pêşniyaran de bête kurtkirin: gera li serkirdayetiyeke Filistîniya nû û dev ji bijarteya-Osloyê û bijarteyên leşkerî berdan, lêvegera di tîkiliyên Amerîkî-Misirî de bi tenêhiştina rêjîmê, bihêzkirin û piştgirîkirina hevpeymanî Israilî-Tirkî û tevîkirina Urdunê, seriyê çaremîn di çargoşeya ko Fiby navê-Çargoşeya Hêzê-lê dike dê-Azerbaycan be ji ber ciyê wê yê ji Rûsiya û çavkaniyên petrol û xazê nêzîk û-Kurdistan-çimkî herêma Kurdistanê dergehê Iraq û îran û kendavê ye û ji seriyê çaremîn guherîna rêjîmên kevinare û bêhavlîyên ko xeterekê derbarê berjewendiyên Amerîkayê de pêktînin destpê dike, û veguhastina Azerbaycan û kurdistanê Iraqê bo bingehê Amerîkiya leşkerî ya pêşketî û kirina kurdistanê kogeheke serbazî ji çekan re weke-Qeterê bi dilniyakirina hevalbendê Tirk.Fiby vî seriyê çaremîn mîna seriyê guherîna bilêv dike. Her weha, rapor banga bikaranîna hêzê bi armanca hilweşandina rêjîma Bexda û ya Tehranê dike tevî parçekirina Iraqê û danîna herêma kurdistanê li jêr birêvebirîyeke sivîl girêdayî rêxistina neteweyên yekbûyî bi maweyek intiqalî weke destpêka serxwebûnê li gor

nimûneya-Tîmûra Rojhilat-û-herêma kosovayê-

Ji aliyekî din ve, rapor banga derbeyek leşkerî ji bo pêkanîna guherîna li Sûdanê dike.

Sebareti Sûriyê, rapor daxwaza vekolandina hebûna Sûrî li Lubnanê û banga xwe jêkişandinê û tenêhiştina rêjîmê ya herêmî dike, tev li avakirina pirojeyê avê ko Tirkiyê avê bide Urdun û Israilê ji bo zêdekirina fişaran û gurkirina kendavê ko rêjîmê tenê bihêle û rapor di dawî de dibîne ko bicihanîna van pêşniyazan dê bi berzbûna Rojhilata Navîneke nû de, encam bide. Gelek sazî û alavan beşdarî di amadekirina raporê de kiriyê weke: encûmena istixbaratên neteweyî Amerîkî a ko ji gelek sazîyên ewlekarî pêktê, zanîngeha Maryland û instûta Botameek û zanîngeha George Town û Richard Hues ji saziya brokizê û pisporên Harvardê û dezgeha Karîncî ya aşîtiyê li Waşîngtonê. Diwemîn: raporeke ji 61-rûpelan ji aliyê CIA-ê ve di sala 2000-an de hate belavkirin û guh dide pêşdîtina pêşeroja cîhanê di 15 salên bê de weke rapora navhatî girêdayî Rojhilata Navîn û kurdan bi taybetî ye û reşbîn e derheqê çarenûsa girûpên tundrew. Herdû belgeyên ko birêz Richard Perl ew di sala 2002-an de pêşkêşkirin dema ko wî pêgeheke bilind di wezaretê berevaniyê de digirt yek ji wan bi navê: "belgeya çareserkirina Iraqî" û ya din "belgeya ezmûna Iraqî" heman nêrîn û niyazên ko di herdû raporên navbirî de hatine tevî tekezkirina wî ji federasiyona kurdistanê re û pirsgerêka pirrengî û sekûlarizmê li Iraqê û veguhastina wê bo nimûneyekê

ji guherîna dêmokiratîk di hemî welatên deverê de di nav de yên hevbendên Amerîkayê jî. Jîngehên Rojavayî (Amerîkî û Awropî) di kokê de lihev dikin derbarê tewawbûna yetkiya sîstêma siyasiya kevin û pijirandina guherîna dêmokiratîk di Rojhilata Navîn de, heye ko di alavan de cida bin lê di perensîp û di destnîşankirina kirîze û rikeberiyên heyî yên nû û kevin yên qonaxa cenga sar, mîna:terora tundrew û rêjîmên totalîter û despotîk û çekên tevkuji û nakokiyên neteweyî û belengazî û biveyên qirkirina nijadperestî û nakokiyên mezhebî ko gefan li berjewendiyên hemû layan dixun de yek in, û bi piranî ew bi berpirsariya xwe ya dîrokî hest dibin nexasime dewletên Awropî yên dagîrker derbarê beşeke mezin ji van kirîzên behskirî bi kêmasî ji dema hilweşandina împêratoriya Osmanî di dawiya cenga cîhaniya yekem de(1914-1918) û girêdana peymanê Sayîks-Bîko û bicihanîna soz-peymanê-Belford-û dabeşkirina kurdistanê û bipaşxistina îradeya xelkên wê di warê destnîşankirina çarenûsa xwe de.

Berevajî Awropiyên yên ko li riyên mandatekirin û dagîrkirin û dabeşkirina milletan digeriyan, Amerîka wê demê angû ji dema çardeh perensîpên Wilson (1916) piştgiriya perensîpa mafê neteweyên împêratoriya osmanî di

destnîşankirina çarenûsa xwe de dikir û di nav de Kurd û piştî dor sedsalekê Amerîka siyaseta xwe jinûve ava dike û piştgiriya dozên millet û neteweyên ko heta niha bê par in di Rojhilata Navîn de dike, lê mixabin ko Awropa fermî hêjî dudil û bê çare ye ko nêrîna xwestî bigire lêbelê car bi car astengiyên jî zêde dike li hemberî kiriyara Amerîkî weke ko li Iraqê pêkhat ji ber hindê sedemên berjewendîperest û teng berevajî nêrînen erênî yên raya gitşî ya welatên Awropa tevî rojnamegerî û tevgerên civaka sivil û dezgehên perlemanî. Di dawî de, pêwîst e ko em Rojhilata Navîn bi tavilê reng û formên wê-ku em Kurd beşekî bîngehî jê ne-berev guherînen kûr ve, dimeşe, û hêjî proseya guherîne lidar e û şiyên teverênî û neyênî-li pêş çavan in, û di rewşên wisa de stûbariyên herî giran dikevî ser milê elitên milletan yên siyasî û ramanî û rewşên bîrî û di nav de milletê kurd da ko pêşdîtina asoyên paşerojê bikin û bi rastiyane nêrînen cida bixwînin û riyên pêkanîna bidestkeftiyên dabîn bikin û berjewendiyên niştîmanî û neteweyî biparêzin û astengî û biveyan destnîşan bikin û alternatîvan pêşkêş bikin, eger hat û ev çêbû kurd dê beşekî serekî bin di hevsenga avakirina Rojhilata Navîn ya Nû de û dê beşdarî pêkanîna aşîfî û demokirasiyê bibin û paşerojeke şayiste ji bo xwe misoger bikin.